

• 王雲五主編 •



明延平王臺灣海國紀

余忠信編著

臺灣商務印書館印

編印人人文庫序

余弱冠始授英文，爲謀教學相長，並滿足讀書慾，輒廣購英文出版物。彼時英國有所謂人人叢書 *Everyman's Library* 者，刊行迄今將及百年，括有子目約及千種，價廉而內容豐富，所收以古典爲主，間亦參入新著。就內容與售價之比，較一般出版物所減過半。其能如是，則以字較小，行較密，且由於古典作品得免對著作人之報酬，所減成本亦多。

余自中年始，從事出版事業，迄今四十餘年，中斷不逾十載。在大陸時爲商務印書館輯印各種叢書，多厲廉售之意，如萬有文庫一二集，叢書集成初編以及國學基本叢書等，其尤著者也。前歲重主商務印書館，先後輯印萬有文庫叢要，叢書集成簡編，漢譯世界名著甲編等，一本斯旨。惟以整套發售，固有利於圖書館與藏書家，未必盡適於青年學子也。

幾經考慮，乃略仿英國人人叢書之制，編爲人人文庫，陸續印行，分冊發售，

定價特廉，與人人叢書相若；讀者對象，以青年爲主，則與前述叢書略異。文庫版本爲四十開，以新五號字排印，與人人叢書略同；每冊定價一律，十五萬字以下，或相等篇幅者爲單冊，占一號；超過十六萬字以至三十萬字者爲複冊，占二號，皆依出版先後編次。每號實價新臺幣八元，一改我國零售圖書向例，概不折扣。惟實行以來，發見十六萬字以上或以下，僅萬數千字之差，售價即加倍，頗欠公允。考慮再四，決改定售價，單號仍爲八元，雙號則減爲十二元，俾相差不過鉅。又爲鼓勵多購多讀，凡一次購滿五冊者加贈一單冊，悉聽購者自選。區區之意，亦欲藉此而一新書業風氣，並使購讀者得較優之實惠而已。

抑今後重印大陸版各書，除別有歸屬，或不盡適於青年閱讀者外，當盡量編入本文庫。同時本文庫亦儘可能搜羅當代海內外新著，期對舊版重印者維持相當比例。果能如願，則本文庫殆合英國人人叢書與家庭大學叢書 Home University Library 而一之也。

中華民國五十七年三月一日王雲五識

自序

當滿清入主中夏，明裔復國，屢起屢躓。鄭成功以一介藩臣，不忍家國之淪亡，奮其孤忠，號召健兒，建國海上，與異族相抗爭，明祚賴以延續者，歷三十七年。此其志固可與抗金之武穆、拒元之文山，鼎峙千秋，爭光日月；而其處境之艱困，成功之偉大，尤前無古人也。顧其史實，在當時既因禁網嚴密而晦暗失實，在今日又因年代久遠而探討爲難，以是尙乏有心人爲之整理而條貫之。今者強鄰寇境，國難洊臻，此足以激發民族精神之歷史，宜有以發揚而流傳於世。爰將民國二十年客居青島時所編著之明延平王臺灣海國紀，略加整理，出而問世。世有憂國之士，讀此書而感奮，羣起謀國，誓掃胡塵，是不第編者之幸，抑亦民族之幸也已。

二十四年十二月編者識於鎮江。

參考書目錄

明紀陳鶴 江蘇書局刻本

明史張廷玉 中華書局聚珍仿宋二十四史本

臺灣汪洋 中華書局印行本

靖海記施琅 康熙木活字本

海寇記洪若皋 昭代叢書本

聖武記魏源 古微堂原刻本

所知錄錢澄之 荆駝逸史本

東華錄王先謙 排印本

鄭成功王鍾麒 商務書館萬有文庫本

行朝錄黃宗羲 紹興先哲叢書本

參考書目錄

明延平王臺灣海國紀

崇禎長編

商務書館痛史本

鹿樵紀聞吳偉業

商務書館痛史本

思文大紀

不著撰人姓名 商務書館痛史本

浙東紀略徐芳烈

商務書館痛史本

南明野史

南沙三餘氏 商務書館印行本

賜姓本末黃宗羲

圖書集成書局明季稗史彙編本

明季實錄顧炎武

昭代叢書本

明季遺聞鄒漪

昭代叢書本

明季續聞汪光復

商務書館排印本

廣陽雜記劉繼莊

文明書局印行本

小腆紀年徐鼎

咸豐十一年刻本

小腆紀傳徐鼎

光緒丁亥金陵刻本

行在陽秋 不著撰人姓名 圖書集成書局明季稗史彙編本

清朝全史 日稻葉君山著但濂譯 中華書局印行本

清代通史 蕭一山 商務書館印行本

清史纂要 劉法曾 中華書局印行本

清史講義 汪榮寶 商務書館印行本

粵遊紀聞 瞿其美 圖書集成書局明季稗史彙編本

明季南略 計六奇 北京半松居士排印本

臺灣外紀 江日昇 文明書局筆記小說大觀本

聖安本紀 顧炎武 荆駝逸史本

航解遺聞 汪光復 荆駝逸史本

四王合傳 無名氏 荆駝逸史本

明亡述略 鎖錄山人 荆駝逸史本

明延平王臺灣海國紀

明清史料

國立中央研究院歷史語言研究所編印本

啓禎記聞錄

商務書館痛史本

弘光實錄鈔 不著撰人姓名 商務書館痛史本

海上見聞錄 驚島道人夢菴 商務書館痛史本

東明聞見錄 不著撰人姓名 圖書集成書局明季稗史彙編本

清史稿鄭芝龍傳 中華書局清史列傳本

清史稿鄭成功傳 清史館印行本

延平戶官楊英從征實錄 國立中央研究院歷史語言研究所印行本

清代官書紀明臺灣鄭氏亡事 國立中央研究院歷史語言研究所印行本

明延平王臺灣海國紀

甲申崇禎十七年清順治元年

三月，李自成陷北京，帝殉社稷。

自成米脂人，初從其舅馬賊高迎祥爲裨將。迎祥死，賊衆擁之，稱闖王，其勢遂盛，竄擾晉豫湖廣巴蜀，所過城邑焚掠屠戮至慘。崇禎十七年，稱王於西安，僭號大順，勢益猖獗，不可制。至是，率衆東趨，所至皆破，進逼北京。十九日，內府奸人開門迎入，曾無捍禦之者。變出意外，帝倉卒無措，奔至煤山，自縊死。皇后周氏亦自盡。

總兵吳三桂詣清營乞師，清兵遂入山海關。

時三桂擁重兵駐山海關防清，自成陷京師，執其父襄，令作書招之。三桂將降，聞愛姬陳圓圓被虜，憤甚，乃自詣關外，向清軍乞師。時清太宗已死，順治帝新卽位，皇叔睿親王多爾袞攝政。三桂陳其情，多爾袞許之，清兵遂入山海關。自成與敵連戰皆北，遂西遁。

五月，福王由崧監國於南京，尋即皇帝位，以明年爲弘光元年。

京師陷，報至南中，諸大臣議立新君，鳳陽總督馬士英利福王，與操江誠意伯劉孔昭等定策立之。五月庚寅，建監國於南京，壬寅即皇帝位，改明年乙酉爲弘光元年。

清順治帝入北京。

乙酉 弘光元年 清順治二年

五月，清兵陷南京，帝被執北去，旋遇害。

清兵陷南京，帝幸蕪湖，依總兵黃得功。叛將劉良佐率兵至，得功戰死，總兵田雄，遂劫帝獻清豫親王多鐸，挾之北去，明年八月遇害。

閏六月丁亥，唐王聿鍵監國於福州。

王太祖九世孫，封南陽。崇禎時，以倡議勤王得罪，禁錮鳳陽。弘光時釋出，徙居平樂，行至杭州而南京陷，鄭鴻逵鄭彩衛送入閩。福建巡撫張肯堂、巡按御史吳春枝、禮部尙書黃道周、南安伯鄭芝龍等奉王監國。王堅辭，羣臣三上書勸進，乃於閏六月丁亥監國福州，以南安伯府爲行在，羣臣朝賀。

如儀。

丁未唐王卽皇帝位，改元隆武。

時靖虜伯鄭鴻逵疏請正位號，不然恐無以壓衆心而杜後起。乃於閏六月丁未祭告天地卽位於福州，改元隆武。以福建爲福京，福州爲天興府，布政使署爲行殿，大赦。遙上弘光帝尊號曰聖安皇帝。

戊申魯王以海監國於紹興。

李自成敗死。

自成旣敗，遁還西安，遣將扼守潼關。清帝旣定都北京，卽命英親王阿濟格爲靖遠將軍，豫親王多鐸爲定遠將軍，各領兵分路追殺。自成乃棄陝西，自武關走湖廣，衆尙十餘萬，過通城九宮山，使其下先發，自以十餘騎殿後，猝陷於淖，土人以鋤耨擊殺之。

八月，詔賜平國公鄭芝龍長子森姓朱氏，名成功，封忠孝伯。

帝愛平國公鄭芝龍長子森材，賜國姓，名成功，令爲御營中軍都督。以駙馬都尉體統行事，封忠孝

伯成功、福建泉州府南安縣安平鎮人。祖紹祖，泉州庫吏，父芝龍，孔武有力，嘗隨其同鄉李習經商日本。平戶士人田川氏（一作翁氏）女悅其貌，遂聘之，卽成功母也。成功以天啓甲子七月十五日生於日本；年七歲，始隨父歸國。爲人俊儀容，儻有大志。叔父鴻逵甚器重之，每摩其頂曰：「此我家千里駒也。」讀書不治章句，然思想不同常人。常作洒掃應對進退文曰：「湯武之征誅，一洒掃也；堯舜之揖讓，一應對進退也。」塾師大奇之。先輩王觀光亦謂芝龍曰：「是兒英雄，非若所及也。」年十五，補南安縣學生員，試高等，食餼。有術士見之，驚曰：「此奇男子，骨相非凡，乃命世雄才，非科甲中物也。」弘光時，入南京太學。聞錢謙益名，執贄爲弟子，謙益字之曰大木。至是入朝，帝奇其貌，與語大悅，撫其背曰：「朕恨無女妻卿，卿當盡忠我家，無相忘也。」因賜國姓，名成功，命爲御營中軍都督，儀同駙馬都尉。從此天下稱爲國姓。日本聞之，乃送田川氏至安平，一家始慶完聚焉。

丙
隆武二年 清順治三年

正月，國姓奉勅馳援建昌。

清兵攻建昌，守將鄭彩逃，帝勅國姓率精兵二千，同輔臣光春馳往鉛山聲援。

國姓兵出大定關，奉溫旨嘉慰。

三月，國姓奉勅招致鄭彩所部逃兵。

時永勝伯鄭彩喪師失地，奉詔革職，所部潰散，恐其擾害地方，故有是命。

國姓奉詔出兵分水關。

兵部侍郎郭必昌疏陳湖西清兵將至南昌，乃詔催國姓及輔臣傅冠速出分水關，規復江西。

鉛山告急，國姓奉命，會各鎮兵赴救。

先是帝欲幸虔州，節制各軍，以復江西。因迎兵未來，故調國姓及輔臣傅冠護駕前行。至是于華玉兵已至，又虔中迎疏疊來，會鉛山告警，乃即詔國姓及傅冠會各鎮兵前往防救；一面親幸虔州，以爲節制。

工部尚書鄭瑄爲國姓請發鳥銃，奉旨斥責。

工部尚書鄭瑄爲國姓請發鳥銃，上曰：「國姓圖功，雖是急務；御營兵器，關朕命身，鳥銃豈可全發？如此等事，該部以司空大臣，全無執裁，惟請朕爲推卸之地，鄭瑄何無骨力至此！姑且不究。」云。

國姓請發新兵月餉。

帝命於邵武近處另給，着部卽行文去。

國姓奏陳治兵、籌餉、精器三事。

國姓奏陳治兵、籌餉、精器三事，帝諭之曰：「兵、餉、器三事，今日已有手勅，確託卿父子。茲覽卿奏，言言碩劃，朕讀之感動。其總理中興恢復兵餉器甲，統惟卿父子是賴。銀關防准造，卽以此爲文，造完頒賜，以便行事。」

國姓救贛州。

國姓奉勅救贛州，卽令郭嘯守永定，調陳秀、周麟、洪正、黃山各部，剋日馳赴贛州救援。又著鄭泰、蔡昇扼勦淮州草寇。

國姓奉諭分地籌餉，挑選精兵，以復中原。

帝諭國姓曰：「福疆戰守，必取閩餉；浙、直、江、楚戰爭，乃取粵餉，不得一毫僭差。李長倩專司粵餉；行在吏部立推右侍郎一員，專司閩餉；務令井然，以有成緒。粵東撫按挑舊兵一萬，粵西撫按挑選

狼兵一萬，以資收復中原。」國姓卽遵諭旨行事。

國姓奉命赴漳泉各地募兵圖恢復。

國姓奉命親到漳泉，精募兵將，立助恢復；限期二十日，卽來復命。諸將仍用心守關，務令一騎不入，毡裘寒膽，不負朕股肱待諸將至意。

清兵至暨陽，魯監國浮海依肅靖伯黃斌卿於舟山。

八月，清兵陷仙霞嶺，帝奔汀州，被執，殂於福京。

清兵大舉攻閩，芝龍已陰受清將款約，乃託言海寇入犯，須往駐防，馳赴安平，檄守將施天福回，盡撤閩隘水陸防兵；於是仙霞關二百里間，遂空無一卒。時鴻達駐兵關外，聞清兵至，卽疾走入浦城。帝大震怒，削奪其爵。清兵旣陷仙霞關，帝倉卒自延平走汀州，猶以書十扛自隨。及追兵迫，始騎而馳。將至汀州，因曝龍鳳衣，停留一日。方入城，忽有叩門聲，自稱爲扈蹕者。啓視之，則北騎也。遂與會。后同被執，至九龍，后投水死。帝至福京，不食死。帝長身豐頤，無鬚，性儉樸，傷國家多難，勅斷酒肉，衣大布衣。鄭氏獻美女，受而不御。後宮驅使，惟老嫗數人。帝好學能文，每出諭旨，辭氣慷慨，舉朝感動。

一日朝罷，羣臣將退，命內侍奉一篋置殿前，諭曰：「吾初無天下之心，賴卿等擁戴，越在海隅，布衣糲食，曉夜焦勞，有何人君之樂？止是上爲祖宗，下爲百姓，惟恐負卿等立君之意。昨關上主事者，搜得降書二百多封，今具在此，吾不欲知其姓名，著錦衣衛檢明封數，對衆焚之，卿等宜無負初衷也。」其度量闊達如此。及罹於難，國人莫不惜之。

九月，平國公鄭芝龍降清，長子成功哭諫不從。

是月清兵至泉州，芝龍退保安平。清貝勒博洛令泉紳郭必昌招之，芝龍以洪黃之信未通，猶疑未決。博洛乃與之書曰：「我所以重將軍者，以將軍能立唐藩也。且兩粵未平，今鑄閩粵總督印以相待。」芝龍得書大喜，必欲降附。諸將多不從。長子成功哭諫曰：「閩粵之地，非比北方，得以任意馳驅。若憑險設伏，以羣其防；選將練兵，以實其力；收拾人心，以固其本；興賂各港，以足其餉；國事尚可爲也。夫虎不可離山，離山不武；魚不可脫淵，脫淵則困；願大人熟思之。」芝龍拂袖起。國姓出告鴻達，鴻達壯之，入語芝龍。芝龍念田園徧閩粵，驚馬戀棧，遂違衆意，而進降表。時國姓已率所部別屯金門，芝龍召之同行，不從。復書曰：「從來父教子以忠，未聞教子以貳。今大人不聽兒言，倘有不測，

兒只有縞素而已。」芝龍嗤其狂悖，率五百人詣清軍降。國姓乃與鄭鴻逵、鄭彩等各率所部入海。芝豹獨奉母居安平。

十月，桂王由榔監國於肇慶。

福州不守，兩廣總督丁魁楚、廣西巡撫瞿式耜等會議監國。式耜首言：「永明王賢，且爲神宗嫡孫，應立。」桂太妃王氏曰：「諸君何患乎無君？吾兒仁柔，非撥亂才也，願更擇可者。」魁楚等請之堅，遂以十月丙戌監國於肇慶，以府署爲行宮。以丁魁楚、呂大器爲大學士，瞿式耜爲吏部侍郎兼閣學，掌誼事。

十一月，唐王聿錡監國於廣州，尋進位皇帝，改元紹武。

清兵陷福京，隆武帝殉社稷；桂王之立，粵中無所聞。十一月癸卯朔，故大學士蘇觀生、何吾驄與布政使顧元敬等奉迎帝弟聿錡監國於廣州，尋進位皇帝，以廣州都司署爲行宮，改明年爲紹武元年。

桂王卽皇帝位，改元永曆。